

河南通志藝文志稿

經部

書類

古文尙書桑氏說

漢桑欽撰欽字君長河南人清桂馥說文義證曰說文水部溺水自張掖刪丹西至酒泉合黎餘波入于流沙桑欽所說馥案欽字君長見漢書儒林傳唐書以水經爲欽作今水經無此文儒林傳孔安國數傳至桑欽蓋欽說尙書文也姚振宗漢書藝文志拾補按漢書地理志張掖郡刪丹下班注云桑欽以爲道弱水自此西至酒泉合黎蓋少節其文知溺水古文弱水今文也又說文引桑欽云濕水出平原高唐地理志平原郡高唐下注云桑欽言濕水所出知濕水古文濕水今文也而班氏引桑欽並改從今文此亦桑欽說禹貢之文又說文引桑欽汶水出泰山萊蕪西南入沛地理志泰山郡萊蕪下注云又禹貢汶水出西南入沛桑欽所言則明著桑欽禹貢說矣

經部 書類

一 河南通志藝文志稿

尙書雜記

後漢周防撰防字偉公汝南人官至陳留太守後漢書本傳防師事徐州刺史蓋豫受古文尙書經明舉孝廉拜郎中撰尙書雜記三十二篇四十萬言隋唐志均不載蓋佚已久

尙書訓詁

後漢劉陶撰陶字子奇一名偉潁川人官至諫議大夫後漢書本傳稱陶明尙書春秋爲之訓詁其書不傳故史志均未著錄

中文尙書

後漢劉陶撰後漢書本傳陶推三家尙書及古文是正文字三百餘事名曰中文尙書所謂三家蓋夏侯建夏侯勝歐陽和伯也清惠棟曰俗本後漢書陶傳作是正文字三百餘事今從北宋本改正作七百餘事漢書藝文志劉向以中古文校三家經文文字異者七百有餘蓋古文與今文異者本有此數故陶從而是正玉海藝文志引陶傳亦作七百是書史志亦均不載

尙書正經

後漢荀爽撰爽有周易注已見前後漢書本傳稱其著尙書正經史志均未著錄  
尙書駁

吳程秉撰秉有周易摘已見前是書史志均未著錄僅見吳志本傳

尙書注十卷

晉范甯撰甯字武子順陽人官至豫章太守隋志注梁有尙書十卷范甯注亡唐志復著錄陸德明釋文敍錄作尙書集解十卷今佚釋文序云古文尙書范甯變爲今文爲之集注臧生云此今文猶今字蓋孔傳本隸古定尙多古字范則直改爲今字也

古文尙書舜典注一卷

晉范甯撰陸德明經典釋文序錄云江左中興元帝時豫章內史梅賾奏上孔傳古文尙書亡舜典一篇購不能得乃取王肅注堯典從脊徽五典以下分爲舜典以續之後范甯變爲今文集注俗間或用舜典篇以續孔氏故范注舜典亦以脊

徽五典爲篇首大抵用馬鄭舊義至隋志云尙書十卷亡唐志尙書注十卷而皆無舜典注者蓋隋志未見十卷本故並孔傳獨存唐志復得十卷本故舜典注不復著錄今其書全佚馬國翰從劉昭後漢志注唐釋元應一切經音義暨太平御覽等書輯得十二節爲一卷

尙書義疏三十卷

梁蔡大寶撰大寶考城人爲蕭警司徒周書本傳大寶著尙書義疏行於世隋志著錄唐志未載孔穎達曰古文近至隋初始流河朔其爲正義者有蔡大寶巢猗等則是書亦用古文也

尙書注

隋宇文弼撰弼字公輔洛陽人官至禮部尙書北史本傳謂弼爲尙書注行於世惟史志均未著錄

洪範外傳十卷

唐穆元休撰元休河內人開元時獻書授假師丞官至安陽令舊唐書穆甯傳甯

父元休以文學著撰洪範外傳十篇藝文志著錄

### 古今尙書

宋郭忠恕撰忠恕字恕先洛陽人宋太宗時召爲國子監主簿令刊定古今尙書經義考以爲已佚

### 無逸圖

宋王洙撰洙有周易言象外傳已見前文彥博嘗言邇英北壁有仁宗朝講官王洙所寫無逸圖經義攷據以入錄

### 周書音訓十二卷

宋王曙撰曙字晦叔河南人淳化時中進士第官至同中書門下平章事宋史本傳曙有周書音訓十二卷謝啟昆小學考謂此書不見著錄魏晉以下史籍多矣而音釋者蓋寡未必獨爲宇文周書注疑爲逸周書

### 書傳十三卷

宋呂大臨撰大臨有易章句已見前是書見於經義考以爲已佚

### 書說一卷

宋程頤撰頤有易傳已見前是書宋志著錄讀書志謂伊川之門人記其師所談四十餘篇現載二程全書中

### 堯典舜典解一卷

宋程頤撰是書宋史藝文志著錄現載二程全書中前有自序謂堯典爲虞書蓋虞史所修舜典已下皆當爲夏書又謂典則也上古時淳朴因時爲治未立法度典制至堯而始著云云

### 尙書四代圖一卷

宋范雍撰雍字伯仁河陽人景德中舉進士官至禮部尙書王應麟謂仁宗時樞副范雍繪尙書四代圖進之以備中覽經義考以爲已佚

### 無垢尙書詳說五十卷

宋張九成撰九成字子韶號無垢開封人紹興二年進士及第官至禮部侍郎是書宋史藝文志著錄書錄解題亦載之謂無垢諸經解大抵援引詳博文義瀾翻

似乎少簡嚴而務欲開廣後學之見聞使不墮於淺狹故讀之者亦往往有得焉  
尙書洪範圖一卷

宋吳仁傑撰仁傑有古易已見前宋史本傳仁傑著尙書洪範圖藝文志著錄  
古文尙書鄭注十一卷

宋王應麟撰應麟有古易考已見前此係乾隆甲午傳鈔錢坫本所輯之文皆注  
明出書並有朱筆校正頗詳覈

尙書草木鳥獸譜

宋王應麟撰前清倪燦補宋史藝文志有此書

尙書新註

元白居易撰居敬有易經本義附說已見前是書見舊通志

壁經注解

明蕭聰撰聰字貴訓新野人成化二十二年舉人官內黃縣教諭是書見新野縣  
志

禹貢訓解

明陳理撰理字性之睢州人成化二十二年舉人官徽州府通判睢州志謂其著  
禹貢訓解學者便之

書經訓駁

明杜孟乾撰孟乾扶溝人嘉靖二十年貢生官陝西鞏昌府經歷是書見扶溝縣  
志

書拾蔡

明李承恩撰承恩有易大義已見前是書見開封府志

書經全圖一卷

明胡賓撰賓有易經全圖已見前是書祁承燦淡生堂書目著錄經義考以爲未  
見

書經義

明王敷極撰敷極字辰光一字訓南蘭陽人萬曆二年進士官山東濟南府推官

是書見蘭陽縣志

書經心法

明劉啟祥撰啟祥字瑞宇滑縣人天啟時貢生官保定府教授是書見滑縣志  
尚書管見

明李會撰會字淞洽尉氏人明崇禎時副貢是書見中州道學編

尚書輯解

明董三槐撰三槐湯陰人崇禎時隱居不應試是書見湯陰縣志

尚書臆解

明趙夢星撰夢星字文炳睢州人明季諸生是書見睢州志

書經近指六卷

清孫奇逢撰奇逢有讀易大旨已見前是書有自序凡例霍炳張潛趙御衆序趙  
庚跋四庫提要經部書類存目謂是書以主敬存心爲尚書之綱領其說多標舉  
此義不甚註釋經文然蔡沈書集傳序所謂堯舜存此心桀紂亡此心太甲成王

困而存此心者已先揭大旨不煩重演矣按書之今古文之辯此爲辯僞問題此  
序推出敬字惟敬始能收攝身心通諸治事接物其語極精趙御衆又分爲四端  
曰時曰幾曰中曰敬敬則中中則幾幾則時故先生說虞夏之書雍雍乎敬也中  
默時幾矣說商周之書惕惕乎敬也幾懋時中矣此頗能伸夏峯之旨有全集本  
尚書講義

清蘇宏祖撰宏祖字恪甫號忝庵湯陰縣人順治三年進士官山西和順縣知縣  
禹貢纂注

清仝廷舉撰廷舉字達士號姑射郊縣人順治五年舉人是書中州藝文錄著錄  
謂有刊本

書經詳說七十六卷

清冉觀祖撰觀祖有易經詳說已見前是書四庫全書存目謂以蔡傳爲主旁引  
孔傳孔疏及宋元以下諸家之說以釋之雖引證頗繁然如六宋三江皆援據諸  
說而終以蔡傳爲主其有稍異於傳者多削而不錄如文侯之命引孔疏其下注

云傳疏多與蔡傳說異故僅錄此又如費誓組茲准夷句引孔傳亦必注其下云  
組訓往征與蔡傳異蓋篤守朱學不肯一字異同者也有刻本

尚書家訓六卷

清董色起撰色起字印韓號緱山偃師縣人順治八年舉人署鄆陵教諭陸直隸  
沙河縣知縣粘本盛序略曰董子博極羣書探摭前言而一本晦庵為主昔人云  
朱子孔孟之功臣而董子又朱子之功臣也每於一篇一句先發其總旨歸重次  
詳其來路去路振其竅提其神俾學者展卷知其頭緒入手有捉摸引伸而長闡  
博而大有其根據云

書經疏略六卷

清張沐撰沐有易經疏略已見前是書四庫全書存目謂從注疏本以書序分冠  
諸篇又從古本合為一篇列於卷首其次第與孔安國傳及鄭康成所注百篇之  
序俱互有異同又所載孔安國序於春秋左氏傳白闕其左氏二字解之曰傳附  
經左曰左傳以人號傳古無此體考左傳或曰左氏或曰左邱漢以來說者不同

總為人姓沐乃以為左右之左殊駭視聽且謂傳以人號古無此體是併漢書藝  
文志亦未見矣蓋沐著春秋疏略以左傳孔子作故於此書亦護其說耳所解多  
襲蔡傳其獨出已見者率多杜撰如解無逸篇則知小人之依句曰於是小民者  
君子之所依賴以安也豈復成文義乎有刊本

尚書史略

清李周元撰周元字伯和尉氏人康熙八年舉人任光山教諭

讀書質疑

清干錢撰錢有讀易質疑已見前是書見柘城縣志

書經證意

清李兆元撰兆元字仲顯尉氏人康熙十一年舉人任鞏縣魯山教諭

尚書辨疑一卷

清劉青芝撰青芝字芳草號江村山人襄城人雍正五年進士翰林院庶吉士是  
書自識曰此册乃余康熙己亥以所疑尚書數條質之爾緝伯章各答以言彙而

成帙者淺學臆說亦何足存然一時朋友切磨之誼不可忘也二十年來伯章爾緝相繼物故良朋凋謝舊學荒落撫今追昔爲之泫然有刻本

### 洪範論一卷

清胡具慶撰具慶有讀易自考錄已見前是書自序略曰聖人則河圖以作易則洛書以敘疇易與洪範皆本天地之苞苴而爲萬世文字之祖也故後世傳之者頗佚其旨而言洪範繆戾尤甚漢儒若劉向之傳班固之志瑣瑣焉條列災異指陳休咎遂使後學視洪範五行類於占驗之書既失禹箕敘疇之本旨至宋儒雖知漢儒之繆然觀老泉之論於洪範之微言大義亦未能大有所發明九峯書傳於文義訓詁之間固皆詳覈較古注疏爲優矣而其所著皇極內篇徒蹈僭經之失究於禹箕本旨更不啻徑庭之相遠也慶年已遲暮紬繹舊聞竊見是書實爲性命之宗身心之要近之切於人生日用遠之可爲經世之大法其立言也簡而盡其立意也約而賅周子曰易何止五經之原其天地鬼神之奧乎慶謂洪範一書亦有然者因就管見著爲十論雖未能盡窺禹箕之闡奧然於其大意所在亦

或有以粗見其彷彿焉若其文意訓詁則孔蔡已詳之矣故不復爲疏釋云有刊本

### 尙書日思錄一卷

清胡具慶撰具慶於書有洪範論闡發最精此編及讀易自考錄四書惕中錄皆彙平日劄記而成其初隨時筆錄後乃逐類分析遂各自成書有刊本

### 書經大意

清趙宗猷撰宗猷有易經大意已見前是書見中州藝文錄

### 書經補注

清蘇兌撰兌字民望杞縣人諸生

### 古文尙書考

清董文炳撰文炳有周易精義已見前是書見中州藝文錄

### 書意舊聞

清張遠覽撰遠覽有詩小箋已見前是書見西華縣志

尙書因文卷

清武士選撰士選字萬青長葛縣人乾隆時歲貢是書自序略曰愚幼讀尙書觀時下講義每苦之其節節作爲過文自添障步繼讀崑山徐氏經史辨體中尙書一册羅列前輩評語頗爲富有然濃圈密點尙嫌其有句法而鮮章法因而殫精竭慮詳究其理復爲參諸意度波瀾所以然不獨盾征湯誥秦誓諸篇顯然明白卽周誥殷盤詰曲擎牙亦不難細爲分晰獨虞書一卷千思百慮莫能指定其章法卽草廬吳氏震川歸氏京山郝氏於今文古文辨不少衰然徒斷斷於詞氣艱澀平易之分而未嘗深衷以道返諸吾心終難定今文何以是古文何以非因此橫撐於中者二十有餘年後從四書中凡言堯舜禹皋者細爲研究以匯之於書乃覺伏生所傳今文本義理章法絲毫不可動非敢因文以見道亦不過因文順義因文論文編旣成藏諸篋笥襄城門人雷生風留意經學兼愛學爲古文詞與兒其田于田謀所以梓之業付諸門下尹生致中膽寫因爲歷敍平日讀書之難如此且以見凡言六藝者須折中於吾夫子也有乾隆間刊本

書經辨疑

清張運暹撰運暹字麗瀛祥符人乾隆三十四年進士官至內閣學士

書經說

清曹逢庚撰逢庚字上章號肅堂洛陽縣人乾隆五十七年舉人明年會試賜翰

林院檢討

書經臆說大誥篇一卷

清常茂仁撰茂仁密縣人諸生

尙書叢四卷

清李升撰升字仲超南陽縣人嘉慶時布衣馬一山李仲超碣銘略曰粵稽說書家自漢迄今著錄者五十六部六百四十九卷證據今古出入孔蔡君乃詮解明劃自抒心得一掃門戶之習是書也傳當有賞音者云

尙書簡餘錄六卷

清王嗣邵撰嗣邵有周易補注已見前中州藝文錄按是書但釋今文二十九篇

訓詁多義理少多引王念孫王引之段玉裁焦循孔廣森王鳴盛全祖望姚鼐諸家之說而參以己意有鈔本

### 尙書編年一卷

清翟鶴齡撰鶴齡字程萬號潛庵唐縣人歲貢生

### 尙書管窺四卷

清王汝謙撰汝謙字六吉武陟人嘉慶諸生是書自序略曰予年十九歲從協用席先生遊先生精於孟子之文一日批湯誓一篇示予讀之如獲珍寶以爲如此讀書再不至散漫無章矣以後用功遂奉爲圭臬然意境實淺其不能解悟者多矣迨集學日久遂覺每篇均有所契家居授徒隨講隨批本之亡失者甚多及館日復批遂得卒業年至七十惜其爲一生之心血所在也遂更定而存之家塾以教吾子弟續武陟縣志謂夾批指其文法頂批總批發其義理條分縷析脈絡井然崔序所謂精神活現紙上覺千百世上警欬如親者體之至是而於二帝三王傳授心法尤三致意焉其聖學之要旨乎光緒間學使邵松年刻於洛陽

### 尙書問答

### 禹貢緯編

清王體仁撰體仁字長人號誠齋年十一補諸生陝州人道光二十二年副榜周覽山川都會以抒其礪礪不羈之奇故其文疏宕傲詭光怪陸離直入漆園吏堂奧而通人情極物理確守儒者矩矱不求人知人亦無識者

### 尙書擇要

清羅維藩撰維藩臨漳縣人道光間諸生

### 書經解

清尹錫嘏撰錫嘏字嚮五鄭州人咸豐時歲貢

### 尙書古文辨惑二十二卷

清張諧之撰諧之字公和號敬齋陝州人同治四年進士授兵部主事改知縣擢蔚州知州是書駁辨閻氏疏證王氏後案惠氏考諸家之說而以明學術光聖道自任其自序略曰余自戊戌投閒病庶民之不興思反經以厲之爰舉諸家邪說

逐條辨難力抉其藪手錄心追載歷六七寒暑賴古聖之靈成辨惑二十二卷願與當世賢人君子希聖學者相與虛心平氣共讀古文經質之疏證使其邪慝之私顯著穹壤不至中於人心如曰菲薄儒先則余之不得已也有刻本

書經解

清劉應標撰應標有簡貫易引已見前是書見中州藝文錄

禹貢摘要

清李文輝撰文輝字爐青閩鄉縣人同治十二年歲貢

尙書大傳選

清丁文林撰文林字竹村羅山縣人諸生

書集解一卷

清李旭春撰旭春盧氏縣人光緒十一年舉人

周書王會解一卷

宋王應麟撰應麟有古易考已見前周書王會篇孔晁作傳應麟以爲未備篇首

敘曰晉輿服志云成王之會唐顏師古云昔武王時遠國入朝太史次爲王會篇愚謂成周之會在成王時詩序周公既城洛邑朝諸侯是也云云書中徵引浩博考據詳明其有裨於後學甚大現多附刻玉海後

河南通志藝文志稿

經部

詩類

詩序

周卜商撰商有易傳已見前是書漢隋志均未著錄唐志二卷宋志不載大率附各家詩注以傳漢志詩類又有毛公之學自謂子夏所傳隋志先儒相承謂毛詩序子夏所創毛公及衛敬仲又加潤益鄭玄詩譜謂大序子夏作小序子夏毛公合作陸德明釋文敍錄謂孔子最先刪詩以授于子夏遂作序焉孔穎達詩疏謂詩三百一十一篇子夏作序是前代儒者皆以詩序爲子夏作自唐韓愈以爲子夏不序詩引三事爲證至宋歐陽修鄭樵朱熹蘇轍等遂力辨詩序之妄且有以范曄後漢書載衛宏作毛詩序因斷爲衛宏所作者然毛詩雖後出亦在漢武時詩必有序而後可授受韓魯皆有序毛詩豈獨無序直至東漢之世方由衛宏作序乎蓋其序實作于子夏子夏授詩于高行子此絲衣序有高子之言又子夏授

經部 詩類

十一

河南通志藝文志稿

曾申申授李克李克授孟仲子此維天之命注有孟仲子之言皆以師說所未及毛萇存之不廢若夫南陔六詩有其義而亡其辭則由毛萇足成之所謂有其義卽据子夏之序也朱彝尊經義考辨之詳矣

子貢詩傳一卷

周端木賜撰賜字子貢衛人孔子弟子是書舊題子貢撰實明鄞人豐坊僞作漢隋唐宋志均未著錄至明嘉靖時始出于豐坊家其說升魯于邶邶之前降鄭于鄘曹之後大雅小雅各分爲三曰續曰傳取子夏所序三百十一篇悉紊其次以鶴鳴先鹿鳴而四始亂何彼穠矣南也而入之風黃鳥我行其野無將大車采芣漸漸之石苕之華何草不黃雅也而入之風小弁抑大雅也而入之小雅定之方中風也而入之頌而六義亂至于列國之風移易錯亂雅頌亦然尤可異者邶鄘均衛詩乃以邶爲管叔時詩鄘爲霍叔時詩又以小雅爲小正大雅爲大正中庸子思所作而子貢反襲其言竊凡爲天下國家有九經修身則道立以下十句以說小正竊大學心正而身修四句以傳關雎朱彝尊經義考駁之如此漢魏叢書

王謨謂周南十有一篇召南十有四篇皆正風也而王氏魯齋乃以兩南兩兩相配而削去野有死麕一篇降何彼穠矣甘棠二篇于王風則偽傳之敢以何彼穠矣入王風而以甘棠殿召南者本王魯齋說也十三國風之有幽風之有七月篇說詩者無以異也自歐陽公本義始倡爲三家詩無七月之說于是鄭氏漁仲六經奧論和之而沙隨程氏又有幽風非七月論則偽傳之敢於刪去幽風而以七月篇別名邠風入小雅者本歐鄭說也魯頌四篇夫子嘗取思無邪一言以蔽全詩孟子再引戎狄是膺二句爲周公詩魯之有頌聖人不以爲非而陳少南詩解乃以爲商頌宜闕魯頌可廢則偽傳之敢於刪去魯頌而以幽風鴟鴞六篇并爲魯風者本陳少南說也云云則知豐坊之作偽亦自有所本且其書以古篆刻之不知漢代傳經悉用隸書故孔壁科斗謂之古文此書安得獨異乃郭子章李維楨皆爲傳刻釋文何鏗毛晉又皆收入叢書凌濛初且與子夏詩序合刻之題曰聖門傳詩嫡冢亦適見其惑矣

毛詩傳

後漢鄭衆撰衆有周易傳已見前是書史志皆未著錄隋書經籍志雖有鄭衆作毛詩傳之文而目中並未著其書僅旁見周禮注如宰夫之職注引詩曰家伯維宰以宰爲宰夫與鄭箋作家宰異典瑞注引詩曰卣彼玉璫與今本作瑟作瓚異大司馬注引詩曰言私其縱獻肩于公一歲爲縱二歲爲紕三歲爲特四歲爲肩五歲爲慎與傳箋俱異獻豸作獻肩亦異至膳夫注引仲允膳夫獻人注引敝笱在梁大司徒注引錫之山川土田附庸等則皆與今本同

毛詩音

晉阮侃撰侃字德如陳留人官至河內太守是書史志均未著錄僅見於陸德明經典釋文敍錄

詩傳

晉袁準撰準有周易傳已見前是書史志均未著錄僅見三國志傳注

毛詩疑字

晉蔡謨撰謨字道明考城人官至司徒是書史志均未著錄徐堅初學記引作毛

詩疑字議其文曰佩者服用之稱珮者玉器之稱稱其服用則字從人名其器則

詩注

晉袁喬撰喬字彥叔汝南人官至龍驤將軍江夏相晉書本傳喬博學有文才注論語及詩並諸文筆行于世是書史志均未著錄錢大昭載入補續漢書藝文志

毛詩辯異二卷

毛詩異義二卷

毛詩雜義五卷

晉楊又撰又有周易卦序論已見前辯異異義二書隋志著錄注梁有毛詩雜義五卷楊又撰亡兩唐志僅有毛詩辯異三卷未有異義雜義宋志俱未載

毛詩音

晉干寶撰寶有周易注已見前是書隋唐志均未著錄僅見陸德明經典釋文敘錄

毛詩雜義四卷

晉殷仲堪撰仲堪陳郡人官至都督荆益寧三州軍事荊州刺史隋志注梁有毛詩雜義四卷殷仲堪撰亡自七錄後無著錄者蓋佚已久

毛詩音

晉江惇撰惇字思俊陳留人屢被徵辟均不起是書史志均未著錄僅見於陸德明經典釋文敘錄

詩傳

後漢荀爽撰爽有周易注已見前荀悅曰臣悅叔父故司徒爽著詩傳皆附正義無他說通人學者皆好尚之然希得立于學官也是書不見史志

毛詩誼府三卷

後魏元延明撰延明洛陽人官至尚書令魏書本傳謂延明著詩禮別義隋書經籍志毛詩誼府三卷後魏安豐王元延明撰唐志亦載之

詩正變論一卷

宋張方平撰方平字安道宋城人真宗時舉茂才異等官至參知政事是書經義考著錄現載其文集中

### 詩說二卷

宋程頤撰頤有易傳已見前是書宋志未載通考讀書志均著錄晁公武謂伊川門人記其師所談之經也前有自序謂古之人幼而聞歌誦之聲長而識刺美之意古人之學由詩而興又謂史氏得詩必載其事然後其義可知今小序之首是也其下則說詩者之辭也現載二程全書作爲詩解

### 詩說一卷

宋張耒撰耒字文潛陳州宛丘人弱冠第進士官至起居舍人是書解生民立民謂免於死之謂生免於仆之謂立解明堂清廟蕭牆謂治人之道尙明故施政之堂曰明堂事神之道尙潔故文王之廟曰清廟禦侮之道尙肅故宮室之牆曰蕭牆謂成王率時農夫播厥百穀而駿發爾私使之先私而後公故也治田者曰雨我公田遂及我私先公而後私故也夫惟成王自後是以民先之謂思馬斯臧良

馬也故曰臧思馬斯才戎馬也故曰才臧言其德才言其用思馬斯作作用馬也言習其動作之節思馬斯徂駑馬也故曰徂言姑足以行而已駑馬馬之下者故其類亦下是謂四種之馬見解獨到皆發前人所未發

### 毛詩訓解二十卷

宋李撰撰字子約陳留人熙寧六年進士官至通判經義考引張景曰撰唐宗室也有毛詩訓解二十卷宋志未載

### 詩考一卷

宋王應麟撰應麟有古易考已見前是書宋志作五卷今只一卷前有自序謂諸儒言詩一以毛鄭爲宗未有參考三家者竊觀傳記所述三家緒言尙多有之網羅遺帙附以說文爾雅諸書萃爲一編以扶微學廣異義董斯張謂伯厚詩考引諸書字義異同及薛君韓詩章句極其詳覈四庫書目提要謂應麟檢諸書所引集以成帙以存三家逸文又旁搜廣討異字異義曰逸詩以附綴其後每條各著其所出卷末別爲補遺以掇拾所闕其蒐輯頗爲勤摯云現附刻玉海後

詩地理考六卷

宋王應麟撰宋志作五卷前有自序謂據傳箋義疏參之禹貢職方春秋爾雅說文地志水經罔羅遺文古事傳以諸儒之說列鄭氏譜于首四庫書目提要謂其采錄遺文案而不斷故得失往往並存云現多附刻玉海後

詩草木鳥獸蟲魚廣疏六卷

宋王應麟撰宋史藝文志王應麟詩草木鳥獸蟲魚廣疏六卷大抵補續陸機草木鳥獸蟲魚疏而作經義攷以爲已佚

詩經集傳附說

元白居易撰居敬有易經本義附說已見前是書見舊通志

讀詩記一卷

明李賢撰賢有讀易記已見前是書明史藝文志著錄經義考以爲未見

詩經直解

明劉昂撰昂字孟頰別號蘭谷祥符人成化時歲貢官內邱棗強等縣訓導是書

見分省人物考

詩考五卷

明許誥撰誥有圖書管見已見前是書載於經義考以爲未見郭維藩作誥綱目前編序謂詩考五卷成於嘉靖元夏

詩經摘玉

明高尙賢撰尙賢新鄭人正德十二年進士官至光祿寺少卿是書載於經義考以爲已佚

詩大義

明李承恩撰承恩有易大義已見前是書見開封府志

詩經效蜜錄二十卷

明劉遵撰遵字與嵩鄆陵人嘉靖時以貢生謁選作北征賦數千言名動京師考授略陽主簿是書見鄆陵文獻志

詩學精義淵源

明何應奇撰應奇陝州人萬曆十一年進士官至山西僉事雁門兵備道是書見陝州志

詩經要旨二卷

明曹代蕭撰代蕭字畫一號莒岸商邱人萬曆十四年進士官至山西按察司副使是書見王胤所作代蕭行狀

詩經元義

明李希召撰希召字維翰蘭陽人萬曆二十年進士官至戶部郎中是書見蘭陽縣志

詩經醒心篇

明邱雲程撰雲程字還虛光州人萬曆二十五年舉人官至湖北襄陽府知府是書見光州志

詩經捷解

明王廷諫撰廷諫字信卿項城人萬曆二十五年舉人官內黃濬縣等縣知縣是

書見項城縣志

詩經補註四卷

明蔡毅中撰毅中光山人萬曆二十九年進士官至禮部右侍郎兼翰林侍讀學士是書見光山縣志

詩經題解

明王逢元撰逢元字季培睢州人萬曆四十七年進士官至山西冀北道副使是書見睢州志

詩經略解

明杜鉉撰鉉字君之一字象三西華人天啟元年拔貢兩中副榜官至慶陽府同知是書見西華縣志

安氏詩義纂

明安履吉撰履吉商邱人天啟四年舉人是書劉榛爲作序見虛直堂文集

毛詩解

明馮瑋撰瑋字玉九杞縣人崇禎十六年進士官浙江德清縣知縣是書見杞縣志

詩缶音

清焦復亨撰復亨字陽長登封縣人明崇禎末徵隱士入清不仕

毛詩集解

清靳洞撰洞嵩縣人順治元年歲貢

詩經家訓

清陳天清撰天清字如水柘城縣人順治六年進士官平鄉知縣擢工部主事

詩經旁訓

清牛孕傑撰孕傑字俊士林縣人歲貢生任修武縣訓導

毛詩家解

清朱琦撰琦字蕙珩陳留縣人順治八年舉人官丹陵知縣

詩經詳說九十四卷

清冉觀祖撰觀祖有易經詳說已見前是書自序略曰予向居京師曾纂詩傳異同欲借以回狂瀾而於集傳未暇發明尙屬缺事今齒已髦而念不息因復彙輯語類大全及時下諸家講義羽翼集傳者參考而臚列之併附注疏於中使讀者瞭然心目間知此說之爲至正則知彼說之有誤鑒彼說之有誤則益服此說之至正不必貴耳而賤目尋聲而失實也四庫全書存目謂是書以朱子集傳爲主仍採毛鄭孔及宋元以下諸儒之說附錄於下每章小序與集傳並列蓋欲尊集傳而又不能盡棄序說欲從小序而又不致顯悖傳文故其案語率依文講解往往模稜間有自出新義者如鄭風有女同車爲必無之事改爲二女同車改溱洧爲夫婦偕遊之作又以豳風伐柯爲東人得遂室家之願歸美周公之詞考之古義皆無所依據也

詩經疏略八卷

清張沐撰沐有詩經疏略已見前是書四庫全書存目謂其說以小序爲主而亦時有異同大抵調停前人之說而參以臆斷如平王之孫齊侯之子既不用舊說